



TOSHKENT DAVLAT YURIDIK UNIVERSITETI REKTORINING B U Y R U G ' I

11.10.2022

223-tm-son

Talabaga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet ichki tartib qoidalarini buzish holatlari kuzatilmoqda.

Xususan, Jinoiy odil sudlov fakulteti 4-kurs Rus potok talabasi Muxammadjonov Behruz Baxtiyor o'g'li 2022-yil 12-sentyabr kuni universitet 1-binosining 2-qavatida joylashgan hojatxona ichida, dars mashg'ulotlari orasidagi tanaffus vaqtida soat taxminan 9-25 lar atrofida elektron tamaki mahsulotini iste'mol qilgan.

Ushbu talaba o'zining yuqoridagi xatti-harakatlari bilan Toshkent davlat yuridik universiteti Odob-axloq kodeksining 16-moddasining birinchi qismi ikkinchi xatboshisi (giyohvand moddalar, psixotrop vositalar va ularning analoglari, alkogol va tamaki mahsulotlarini iste'mol qilish va tarqatish), yettinchi xatboshisi (universitet binolari va hovlisida, shuningdek, universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish) hamda 26-moddasi ikkinchi qismi birinchi xatboshisi (qonun hujjatlari va mazkur Kodeks talablariga rioya etish)da ko'rsatib o'tilgan qoidalarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2021-yil 1-martdagi 08-44-son buyrug'i bilan tasdiqlangan Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda Jinoiy odil sudlov fakulteti dekani D.Kamalovanning bildirgisiga muvofiq,

B U Y U R A M A N:

1. Universitetning Jinoiy odil sudlov fakulteti 4-kurs Rus potok talabasi

Muxammadjonov Behruz Baxtiyor o'g'liga universitet Odob-axloq kodeksining 16-moddasi birinchi qismi ikkinchi va yettinchi xatboshlari hamda 26- moddasi ikkinchi qismi birinchi xatboshisi talablarini buzganligi uchun hayfsan e'lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq mazmun-mohiyatini talabalar e'tiboriga yetkazilishi va har bir akademik guruhda keng muhokama qilinishini ta'minlasin.

3. Jinoiy odil sudlov fakulteti dekani (D.Kamalova) mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor



A.TASHKULOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA



Kelishildi:

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Boshqarma boshlig'i

S.BOZAROV



yuriskonsult

D.ALIBOYEV

